

上羊反輕調下從牘一許沮才呂遇於葛塘癡
宋反下音駛史使瀆見上於僻反亦疊許近將帥上率去聲
樂反下音讀音澹薄下字青淡薄下反兀白反上音
刺棘上二音使讀音澹泊憺怕徒上二字青淡薄下反兀白反上音
鋌燎影上居七音曉音炳然丙上音
燈音彫反正居七音曉音炳然丙上音
女只作力力反照下法螺羅下敢反兀白反上音
反古力庭反擿陟陟反元白反上音
係計音冥冥正上法螺羅下敢反兀白反上音
王回反俱作煙羅下敢反兀白反上音
坑澗背脊反根栽音下上音

二經合卷

法律三昧經
十善業道經

法律三昧經

吳月氏侵婆塞支謙譯

聞如是一時佛遊於摩竭提國與大比丘衆俱及諸菩薩四部弟子天人龍神一切大會佛言有法律三昧菩薩學者當以和順調其情性深入微妙不得輕慢所以者何未深入者不識三學功德厚薄或以放恣失其本意者當知是輩有十二事自墮大罪終不可悔何謂十二

謂十二

有人學道不得明師見聞未廣亦自貢高欲求名字謗善薩法以爲不要妄造譁說言我師說既已自墮復墮他人此如彌猴毒羣之喻但欲害彼不知還自殺是一自燒有人學善薩法藏得聞深經未曾問師不知義趣自用隨意及以輕慢成就苦薩是二自燒有人學深經中道更墮弟子學者毀笑大

道以爲迂遠是三自燒
有人學不深入但欲依道全保其命不解道

理專行謗訕深經大法是四自燒

有人雖學無有至意但欲容身虛飾自可得
經好語與非其人令倒見者調意譁訛以爲
不然聚跋僞骸造謗長短欲望其譽是爲五

自燒

有人頑闇嫉妒賢能常懷毒心向講法者不
惟道德但貪利養是六自燒
有始入學從明師得決不念恩德反有人工
言我自知既不自解亦不肯復從師問經此
無反復罪不輕矣是七自燒

所短已墮非法不自覺知違道失智謂之畔
棄是九自燒
有人以曉微妙權慧而更不敬發經罪爲枝
拔說於屏處言師無所知我已從學其說皆
非自今不當復與從事令無知者信用其言
斯飲自毒復飲人毒是十自燒

作十

二

有人學道從明師得深經有信菩薩至心行
者欲從求學斷絕不與呼爲不賢但有聲聞
未曾見經信戒未立此人索經爲反與之便
以俗語比方解之轉相教誑令真道薄淡自
取大罪復誤他人是十一自燒

有人雖學無有至信不識真僞不畏于罪曲

媚豪強不解道者隨毀佛法誹比丘僧此輩
旣自墮八難復增成人罪是十二自燒

辭非法解之復以微意瞻師所行自用爲是
遂失權慧入魔網是八自燒
學有畔棄何謂畔棄謂從明師得解權慧見
深入者不數請問中道懈怠更懷毒心念師

法律三昧汝爲人說當令了諦護其意行莫

住小福如毫釐者而犯大罪如須彌也忘其

本意長失三寶却就惡道無窮竟者但坐貪愛須臾之間而致劇痛斯難言也佛說是時莫不感愧覺者悉入第六道地

衆會皆起同聲讚言佛為吾等及後學者開現大明令得慧眼俱前稽首願以頂受

佛言且聽乃往久遠時有菩薩名有道志與十四萬人俱從違羅提佛發菩薩意其輩中有一人最高才名賢行時有道志事以爲師追隨累劫不失其意賢行精進後成作佛字世頭胞而有道志遂從受決餘人悉退墮弟子行于今在五道尚未得出

阿難問言其時輩人從見佛後復得深經不

作十

三

佛言皆得但不力學不問中慧不敬承師輕人法者阿難復問已發大意何以墮落
佛言用四事故一者學本不知善權方便輕慢師友無有一心其意數轉二者學不精進無有道力但貪名譽望人敬待三者學所事師不念勤苦當得成就虛飾貢高無有至心

四者學好外道習邪見人反持異術比佛深經言道同等時十四萬人皆用是意故後世轉退去大道遠獨有道志志大心強追事賢行至其得道果從受決當佛說是時天人百十萬皆發菩薩意

賢者阿難言如是所說學當恭敬反以自恣失大道本可不慎哉自今新學欲入法者寧能別善惡不失善師友至竟者耶佛言有粗少耳多隨本意不可化者

阿難又問凡人相說惡寧有自知者不佛言天下愚人但見人惡不自知惡但自見善不見人善稱己智者皆非智也自處明者其迷甚矣言知經亦以惑也云大法而不事師不可信矣若無慧行言知諸經斯非賢也佛智廣大不可測度見聞少少自以爲足用自貢高豈智者哉天下可愛唯有安至學深入之士近善師者乃爲明智愚者安知世有明智人乃別有賢愚耳夫愚癡者但見人貢高不

自知貢高其自見過者可與說善事自見善者不可與語議何則皆自是能解難者可與論道不者但增其憍慢自可者不可爲說忍辱之事會不能受解道意謙虛者可與共講深經之要不者皆縛知微妙深入者可與共說無端緒事不者猶疑言知菩薩法發言有

貪著言我所入淨不自知行濁適始欲學便言已了能覺魔事不知皆在魔羅網中如蠶作繭還自纏裹欲悉學知分別內外深淺意者當問父學成就菩薩近善師者可了了學覺魔事耳

佛言學不可不諦行不可不護妄其本意墮

作十

四

非法者皆坐自用隨邪心故諸不可行不當行也輕犯大過墮惡道者皆以專愚不承法本爲魔所中致罪不細
賢者舍利弗白佛言新發意者實宜自護坐小可意而失大者斯不少矣昔我前世有是意故失大得小雖欲悔之無復及也

佛言本心不解皆有是耳舍利弗問何謂人本五陰本六入本十二緣起及九十六種道本所入何謂四諦本弟子本名佛本如來知之云阿曾聞佛言不解本無故墮小道願爲新學分別說之佛言善哉所問甚快多所開發欲聞者聽於時會中皆曰受教

佛言人本者無從出無所受無作者無有主無色無識不生不滅如是知本失是離本五陰本者無所著住處隨所著即爲陰成敗如幻一切無強知如是者計無所有六入本者猶如空野以所更樂謂之爲入其入虛空無積聚處知本淨者計無所入十二緣起本無

端緒來無所從去無所去癡不可見所緣無際至於老死如夢非真如不真起法是知本也九十六種道本所入皆從貪欲六十二見捨內取外何謂捨內取外身爲化種虛而非真求有萬端貪不能捨欲保安存久而要壞生死不絕四諦本者亦無根莖苦習盡道皆

作十

五

由觀解見空淨者爲知諦本弟子本者初觀世有不解本無狀生死苦攝意觀法斷却五陰守空行淨想滅漏盡使得解脫是爲羅漢本所入若佛本者學作功德不曉成時聞知有佛欲得尊号無有大悲不曉善權呼身爲有特想視佛樂淨守道不親善友雖積功德

如江河沙猶無益於不入權慧不修刹土及相好半行不具以覺因緣便得成佛是爲名佛本所入如來本者從發意來見身皆空諸佛本所入如來本者從發意來見身皆空諸法清淨曉衆生本慧德所入及生死法陰入種持一切本無曉諸功德成時所入如本立而有智不起不滅無往無來不在泥洹不離本無如虛空等不可動移是故如來因所入舍利弗言佛意實妙非衆羅漢若佛所知我輩初學皆從縛著而求解脫志微學淺承佛得度心根已滅雖聞大道無有學意譬如野夫聞天子事暫快其耳終不能效雖人父處三惡道者出學大道可成作佛如我羅漢無

復心矣爲菩薩者誠快無量已發大意深入廣博但當精進諦護行耳

有菩薩名勇聲曰佛言大道甚妙非是世間才明所知唯深入者乃達其微恐後三學新發意菩薩及爲弟子若佛行者勝冥未開不別深淺見聞少小自以爲明諦經取勝更以相感唯佛加哀爲決大疑其諸學者皆俱行禪得道各異何用別知弟子若佛菩薩大乘及諸外學五通仙人禪意云何

佛言善哉善哉大士欲護一切乃以此問雖俱行禪意趣不同弟子學者聞有四禪要約直心可疾得道不及知餘深妙大法畏苦獸

身一心思惟取欲自度不念衆生但守行滅何如爲滅所施福德持戒精進欲望泥洹不知佛大慈泥洹所出入言泥洹一到通四禪得三活生死斷已度世是爲羅漢所入禪若佛學者從發意來不事善友言世間有其行常著何如爲著所作功德望欲得佛信禪道

作十

六

妙不用餘行亦不知修禪意所向如來禪者無意無想無見無得不熟曉了那中繫意守淨無爲不曉權慧法意以成得禪見空因緣解使得道明過羅漢而不及佛無十種力四無所畏及十八不共法是爲若佛所入禪菩薩禪者從發意來不離明師學廣智深曉了

禪本何謂曉了本心無道亦無本無著無縛無解無行無出無入無合無散現大智慧善權之行不斷德本及大悲意修相好嚴佛國具十力四無所畏及十八不共法一切見一切知無所不學故号曰佛佛用世間多貪亂意故於樹下閉目而坐爲現禪法欲令解者以道縛意亦隨所樂各得其所是爲如來本所入禪外諸小道五通禪老學貴無爲不解至要避世安已持想守一冥目縱體內觀歷藏存神道氣養性求昇惡消福盛思致五通壽命久長名曰仙人行極於此不知泥洹其後福盡生死不絕是爲外道五通禪定

佛言如弟子若佛雖得泥洹爲不知本所以者何其學本謂汝有道無故壞五陰而取滅度唯如來爲知泥洹本所以者何知俗與道諸法本空如本無住不起不滅是爲泥洹佛意如是故曰如來弟子若佛名爲滅度盡菩薩當解深妙大法明諦受學雖離明師心當

清淨不可放逸

於是勇聲叉手言得值佛者爲難者也大聖大慈所度無極今蒙佛恩無所復疑其欲學者當受佛教莫爲不賢之行使魔得其便如佛所言終無有異天人魔官屬莫能壞是清淨行者言已即前稽首佛足是時天及人有

二百一十萬皆願樂立於無所從生法忍
賢者阿難白佛言此法律爲何等義佛言是爲剖波道意釋人根本慧德所入分別弟子若佛菩薩學意所行知諦知不諦大要名曰法律三昧

佛言阿難其有信解是經法者皆於十方佛

所聞善權已佛說經訖諸來會者皆歡喜各
前爲佛作禮而去

法律三昧經

作十

七

十善業道經

唐于闐三藏法師實叉難陀譯

作十

八

如是我聞一時佛在娑竭羅龍宮與八大
比丘衆三萬二千菩薩摩訶薩俱

爾時世尊告龍王言一切衆生心想異故造
業亦異由是故有諸趣輪轉龍王汝見此會
及大海中形色種類各別不耶如是一切靡
不由心造善不善身業語業意業所致而心

無色不可見取但是虛妄諸法集起畢竟無
主無我我所雖各隨業所現不同而實於中
無有作者故一切法皆不思議自性如幻智
者知已應修善業以是所生蘊處界等皆悉
端正見者無狀龍王汝觀佛身從百千億福
德所生諸相莊嚴光明顯曜蔽諸大衆設無

量億自在梵王悉不復現其有瞻仰如來身
者豈不目眩汝又觀此諸大菩薩妙色嚴淨
部衆等大威勢者亦因善業福德所生今大
海中所有衆生形色麤鄙或大或小皆由自
心種種想念作身語意諸不善業是故隨業
各自受報汝今常應如是修學亦令衆生了
達因果修習善業汝當於此正見不動勿復
墮在斷常見中於諸福田歡喜敬養是故汝
等亦得八天尊敬供養

龍王當知菩薩有一法能斷一切諸惡道苦
何等爲一謂於晝夜常念思惟觀察善法令
諸善法念念增長不容毫分不善間雜是即
能令諸惡永斷善法圓滿常得親近諸佛菩
薩及餘聖衆言善法者謂人天身聲聞菩提
獨覺菩提無上菩提皆依此法以爲根本不
得成就故名善法此法即是十善業道何等
爲十謂能永離殺生偷盜邪行妄語兩舌惡